

溫熱暑疫全書

疫病方論卷四

吳門周揚俊禹載輯

後學

薛雪生自校

吳蒙正功

重校

此症天又可之外  
其善本恒時疫  
如欲可稱微感  
微細音也示謹  
大善不可不識

吳又可曰。疫癘之邪。從口鼻而入。舍於伏脊之內。去表不遠。附胃亦近。乃表裏之分界。卽內經癘論所謂橫連膜原者也。其熱淫不正之氣。本氣充滿者。或不受邪。適有內因。便乘外因。感之淺者。或俟有觸而發。若感之深者。中而卽病也。其始陽格於內。營衛運行之機。阻抑於表。遂覺凜凜惡寒。甚則四肢厥逆。至陽氣困鬱而通。厥回而中外皆熱。昏昧不爽。壯熱自汗。

此雖在表而汗

寒大表發汗下

汗名移汗言

邪汗散括出於

表一喜言敗之

未竟不

此時邪伏膜原。縱使有汗。熱不得解。必俟伏邪已潰。表氣潛行於內。精氣自內達表。表裏相通。振慄大汗。邪方外出。此名戰汗。脈靜身涼而愈也。若伏邪未盡。必復發熱。其熱有久有淺。因所感之輕重也。因元氣之盛衰也。要皆始先惡寒。既而發熱。至於發出方顯。變證其證或從外解。或從內陷。外解則易。內陷則難。更有先後表裏不同。有先表後裏者。有先裏後表者。有但表而不復裏者。有但裏而不復表者。有表而裏。再表者。有裏而表。再裏者。有表裏分傳者。有表多於裏者。有裏多於表者。此爲九傳。從外解者。或發煩。或

戰汗自汗從內陷者。胸膈痞悶。心下脹滿。腹中痛。燥結便秘。熱結旁流。協熱下利。或嘔吐惡心。譫語舌黃。及黑胎芒刺等證。因證用治。脈不浮不沉而數。晝夜皆熱。日晡益甚。頭疼身痛。不可用辛熱藥。汗之又不。可下。宜用達原飲以透膜原之邪爲當也。若見各經加入引各經藥。不可執滯感之輕者。舌胎亦薄。脈亦不甚數。如此者。必從汗解。如不能得汗。邪氣盤錯於膜原。表裏不相通達。未可強汗。衣被逼汗。湯火劫汗也。感之重者。舌上胎如粉。漬藥後反從內陷。舌根先黃。漸至中央。此邪漸入胃也。前方用大黃下之。若脈

長洪而數大汗多此邪氣適離膜原欲表未表白虎湯證也如舌上純黃色兼見裏證此邪已入胃乃承氣湯證也有兩三日卽離膜原者有半月十日不傳者有初得之四五日厭厭聶聶至五六日陡然勢張者凡元氣勝者毒易傳化元氣薄者邪不易化卽不易傳故曰邪與元氣不兩立也倘有他病久虧適又感邪能感而不能化安望其傳不傳則邪不去淹留日久愈沉愈伏因誤進參耆愈壅愈固不死不休也

達原飲

檳榔 二錢

草果 五分

厚朴 一錢

知母 一錢

芍藥 一錢

甘草 五分

黃芩 一錢

右七味以水二鍾煎八分溫服

疫邪爲病有從戰汗解者有從自汗盜汗不解者有無汗竟全歸胃者有自汗淋漓熱渴反甚終得戰汗而解者有胃氣壅抑必從下而得戰汗解者有汗解未盡越三四日前熱復發者有發黃因下而復熱發出斑者有竟從發斑而愈者有裏證急雖有斑不愈者此雖傳變不常要亦爲常變也又有局外之變者男子適逢使內邪熱乘虛陷於下焦氣道不施以致

小便淋塞。少腹脹滿。至夜發熱。以導赤五苓散之類。分毫不効。與大承氣一服。小便如注而愈。女子經水適來適斷。失血崩帶。及心痛疝氣。痰火喘哮。凡此皆非常變。大抵邪行如水。惟注處受之。此妙喻也。要之新疫而來。舊病但治其疫。他病自己也。

疫發一二日。舌上胎白如粉。早服達原飲一服。午後舌色變黃。隨見胸膈滿痛。大渴煩躁。此伏邪之毒傳裏也。前方加大黃下之。煩熱稍減。傍晚復加躁煩發熱。通舌變黑刺生。鼻如烟煤。此邪毒最重。復合瘀胃。急投承氣湯。抵暮大下。至夜半熱退。次早胎刺如失。

一日有此三變數日之法一日行之因其毒甚故傳變亦速用藥不得不緊設用緩劑必無救矣每見痘疫二三日卽死者皆此類也

疫病初起脈雖數未至洪大其邪尚在膜原宜達原飲若誤用白虎旣無破結之能但求清熱是猶揚湯止沸耳邪入胃者非承氣不愈誤用白虎旣無奪邪之能徒伐胃氣反抑邪毒致脈不行反變細小倘認陽證陰脈妄言不治因見脈微復不敢下遂巡死耳當此之際惟急投承氣湯庶可救也

疫發於半表半裏一定之法也至於傳變出表入裏



表裏分傳俱未可定。醫見有表有裏，乃引經論先解其表，乃攻其裏，此大謬也。嘗見大劑麻黃一毫無汗，轉加煩熱者，何耶？蓋發汗者以邪氣在表，故用表藥，卽得宣其氣而使之出也。今邪在裏，裏氣結滯，陽氣不得卽達於表，卽四肢未免微厥，又安能氣勢蒸蒸而達乎外？譬之水注閉其後竅，則前竅不得涓滴，與此欲汗之義相類，故必承氣解其裏，裏氣一通，不待發散，多有自汗而解者，其義可知也。設下後脈浮而微，數身微熱，神思不爽，此邪熱浮於肌表，而裏已無滯也。再與白虎湯，則餘熱復得清散，外卽蒸蒸汗解。

仍此意也。若下後脈空而數，按之豁然如無，宜白虎加人參湯覆杯，卽汗解。下後脈數而浮，原當汗解，遷延五六日，脈證不改，仍不得汗者，以其反覆數下，致血液枯，正氣微故也。用白虎加人參湯以涼解中外，鼓舞元氣，開泄腠理，卽得汗而解也。裏證脈沉而數，當下之。下之當得汗解，脈改浮矣。今不得汗，二三日脈更沉者，膜原之邪仍瘀到胃也。更宜下之，或脈浮卽與白虎湯裏證下後熱退身涼，越幾日復熱者，非關飲食勞復，乃膜原之餘邪復聚。醫者不知，每歸咎於病者誤也。仍下之爲當，但制劑宜輕耳。

應下失下。口燥舌乾而渴。身反熱。滅四肢時厥。欲得  
被近火。此陽氣伏也。既下厥回。脈大而數。舌上生津。  
不思水飲。此裏邪去而鬱陽暴伸也。宜柴胡清燥湯。  
去括樓根。知母。加葛根。隨其性而升泄之。  
柴胡清燥湯

白芍藥

當歸

生地黃

陳皮

甘草

竹  
粥心

燈心

括樓根

知母

柴胡

右九味水煎溫服

疫病下後。二三日。舌上復生胎刺。邪未盡也。再下之。

胎刺雖去而煩熱未除更下之熱渴已減日後更復熱復胎者更下之不以數計總之有是證則用是藥耳醫者經歷未到中道生疑往往失治但其中有間日一下者有連下三四日者有下二日間一日者其後輕重緩急有應用柴胡清燥湯者有用犀角地黃湯者至投承氣何日多與少與亦皆治法苟或不明亦足誤事然數下之證亦僅見也

疫病下後脈證俱平腹中有塊按之則痛自覺有所阻而微悶或時升降之氣往來不利常作蛙聲此邪氣已盡其宿結尚未除也此不可攻攻之徒損元氣

須飲食漸進。胃氣漸復。津液潤下。常見病疫愈。啗粥  
半月。結塊方下。堅黑如石者。又有氣促之病。過月餘。  
其塊方消者。此又無形之結也。不可不知。

瘟疫下後。脈證俱平。大便十數日不行。時時作嘔。此  
爲下膈之證。蓋下不能通。必反於上。宜調胃承氣湯  
熱服。宿垢頓下。嘔吐立止。慎不可補也。

凡疫邪貴乎早下。但見舌黃。心腹脹滿。便可選用承  
氣。以驅其邪。乘人氣血未亂。津液未枯。投劑不致掣  
肘。勿拘下不厭遲之說也。且疫證之下。與傷寒異。傷  
寒必俟結定而後攻。疫邪正欲驅熱以爲用。况疫氣

多濕。豈能卽結。遷延不下。但蒸作極臭。如敗醬。如藕泥。臨死不結者多矣。

疫邪傳裏。遺熱下焦。小便不利。邪無輪泄。經氣鬱滯。其傳爲癘。身目如金。宜茵陳蒿湯。若用茵陳五苓散。不効。此皆胃家移熱。是以大黃爲專功也。

茵陳蒿湯

茵陳蒿 二錢

山梔子 一錢

大黃 五錢

水薑 二片

右四味以水一斗先煮茵陳減六升內三味煮取三升去滓分溫三服

疫邪在胸膈滿悶喜嘔腹不滿欲吐不吐欲飲不飲  
此邪與痰飲結滯也宜瓜蒂散吐之

瓜蒂散

胡瓜蒂 一錢  
赤小豆 一錢  
生梔仁 二錢

右水煎分二服緩下無瓜蒂用淡豆豉 二錢

疫氣留血分裏氣壅閉不下則斑不出出則毒邪從  
外解矣如下後斑漸出更不可下設有下證宜少與  
承氣緩服倘六下則元氣不振斑毒內陷則危宜託  
裏舉斑湯如下後斑毒隱伏反見循衣撮空脈微者  
本方加人參三錢得補發出者不死

舉斑湯

白芍藥 一錢

當歸 一錢

升麻 五分

柴胡 七分

白芷 七分

穿山甲 二錢

水薑 一片

右七味水煎溫服

疫病日久失下自利純臭水晝夜十數行口燥唇乾  
舌裂此熱結旁流也急下以大承氣去其宿垢頓止  
胃實失下鬱而爲黃熱更不減搏血爲瘀故經氣不  
爲熱鬱不致發黃熱邪不干血分不致畜血同受其  
邪故發黃而兼畜血非畜血而致發黃也但畜血一



行熱隨血泄。黃隨泄。故治黃茵陳蒿湯。治畜血。桃  
仁承氣湯。去桂枝。甘草加牡丹皮當歸芍藥。

桃仁承氣湯

桃仁

十八粒

甘草

二錢

大黃

四錢

酒浸

芒硝

二錢

桂枝

二錢

右水煎熱服

胃移熱於下焦。氣分小便不利。熱結膀胱也。若移熱  
於下焦。血分膀胱畜血也。夫畜血證。在小便利不利  
也。故晝日稍減。夜發熱譫語者。瘀血也。未行。桃仁承  
氣下之。後用犀角地黃調之。

犀角地黃湯

地黃 一兩

赤芍藥 二錢

犀角 二錢  
銹

牡丹皮 二錢

右四味以水二鍾煎八分溫服無時

凡失下以致循衣摸床撮空肉惕目不了了邪熱愈盛元氣將脫者勢不可竟下又不得不下不得已用陶氏黃龍湯下之黃龍湯即大承氣湯加甘草人參當歸因不下必死當於死中求生也得下後用生脈散加地黃當歸白芍藥知母陳皮甘草

疫病有首尾能食者此邪不實於胃切勿絕其飲食

但少少與之耳

凡大下後調理清燥養營湯

清燥養營湯

知母

栝樓根

當歸

白芍藥

生地黃

陳皮

甘草

燈心

右八味水煎溫服

如表有餘熱柴胡養營湯

即小柴胡去半夏人參加陳皮當歸芍藥厚朴生地

黃大黃枳實生薑

如有痰飲胸膈不清者宜栝貝養營湯

栝貝養營湯

栝樓根

貝母

栝樓仁

蘇子

橘紅

白芍藥

當歸

知母

生薑

右九味水煎溫服

舌胎邪在膜原故白。在胃則黃。胎老則沉香色。白者不可下。黃者下。黑者急下。下後胎不脫。舌刺。舌裂。舌短。舌硬。舌卷。白沙胎。黑硬胎。皆當下。白胎滑澤。邪在膜原。倘別有下證。宜達原飲。加大黃。若大汗。脈洪大。而渴。白虎湯。未可下也。惟目赤。咽乾。氣噴如火。小便

黃赤涓涓作痛揚手擲足脈沉數下之無疑有心下  
痛腹脹滿頭痛下之立止初起未可下如血液枯竭  
者爲虛燥宜導法

統論傷寒與時疫異同夫傷寒必有感冒之因惡風  
惡寒頭痛身痛發熱而仍惡寒脈浮緊無汗爲傷寒  
脈浮緩有汗爲中風時疫初起原無感冒之因忽覺  
凜凜以後但熱而不惡寒然亦有所觸而發者或飢  
飽勞役或焦思怒鬱皆能觸動其邪也然不因有所  
觸而自發者居多且傷寒投劑一汗卽解時疫發散  
雖汗不解傷寒不染時疫能染傷寒之邪自毫竅入

時疫之邪自口鼻入傷寒感而卽病時疫感而後發傷寒汗解在前時疫汗解在後傷寒可使立汗時疫俟其內潰自汗盜汗戰汗傷寒不發斑時疫能發斑傷寒感邪在經以經傳經時疫感邪在內邪溢於經經不自傳傷寒感發甚暴時疫多有淹纏二三日或漸加重或至五六日忽然加重傷寒初起以發表爲先時疫初起以疎利爲主其所同者皆能傳胃至是同歸於一故用承氣導邪而出故傷寒時疫始異而終同也傷寒之邪自外傳內原無根蒂惟其傳法有進無退故下之皆能病愈時疫之發始則匿於膜原

根深蒂固時發與營衛交併客邪由經之處營衛未  
有不被其傷者故曰潰然不潰則不能傳不傳則邪  
不能出邪不出而疾不愈乃時疫下後多有不能即  
愈者何耶蓋疫邪多有表裏分傳者因有一半向外  
邪傳留於肌肉一半向裏邪傳留於胃家惟傳於胃  
故裏氣結滯裏結表氣因亦不通於是肌肉之邪不  
得即達於肌表下後裏氣一通表氣亦順向鬱肌肉  
者方能盡達於表或痘或汗然後可以謀治而愈傷  
寒下後無有此法雖曰終同實不同也

凡陽證似陰者傷寒與瘟疫多有之其陰證似陽者

正傷寒有之溫疫必無此證宜辨之夫陽證似陰外  
雖寒而內有熱故小便必赤濇若陰證似陽者格陽  
之證也上熱下寒故小便清白但以小便赤白爲據  
萬不失一

凡四損不可治大勞大慾大病久病後氣血俱虛陰  
陽並竭正氣先虧邪氣自陷也

夫人疫發見證或輕雖有頭疼身熱自汗而飲食不  
絕力可徒步又烏知其疫也况脈又不浮不沉而數  
病人無處追求每每妄訴病情醫家不辨是非便引  
東垣勞倦傷脾元氣下陷乃執甘溫除熱之句轉補



壅熱至於不救矣

疫痢相兼之證最危夫疫者胃家事也必從下解利者大腸事也大腸既病失其傳送之職故糞不行下膿血所以向來穀食停積在胃直須大腸邪氣將退胃氣通行積糞從此而下今既大腸失職糞尙不行又何能與胃載毒而出耶毒既不行最能傷敗胃氣毒氣在胃一日有一日之害在一時有一時之害耗氣搏血神氣既盡則死凡遇疫痢兼證者在痢尤爲吃緊宜檳榔順氣湯

檳榔順氣湯

大黃

厚朴

芍藥

檳榔

枳實

生薑

右六味水煎溫服

妊娠時疫設用三承氣須隨證施治不可過慮慎勿惑於參耆安胎之說也病家見用承氣先自驚疑更加左右有粗知醫者從旁嘈雜必致掣肘遂令子母不祥若應下之證反用補劑安胎熱毒愈熾胎愈不安耗氣搏血胞胎何賴是以古人有懸鐘之喻梁腐而鐘未有不落者惟用承氣逐其邪火毒消散炎熯頓爲清涼氣回而胎自固當此證候大黃反爲安胎

聖藥歷治歷當母子俱安若見腹痛腰疼則必墮無疑矣須預言之

婦人病疫與男子無異惟經水適來適斷及崩漏產後與男子不同經水適來邪不入胃入於血海胸膈無邪勿以胃實攻之但熱隨血下自愈宜小柴胡加生地黃牡丹皮赤芍藥主之如結胸狀者血因邪結刺期門經水適斷血室空虛邪乘虛入爲難治與適來者有虛實之分宜柴胡養營湯新產亡血衝任空虛與素病崩漏經氣久虛者亦用此湯若藥停不行加生薑以和其性中氣虛而不通加人參以助其行

疫行之時凡小兒兩目上弔驚搐發痙十指勾曲角弓反張勿認驚風治宜同大人但藥劑輕小耳

應下之證下後當脈靜身涼今反發熱者因結開氣通鬱陽暴伸也不久自息如不息仍是餘邪未盡也下後自臥二三日或四五日汗不止身微熱此仍屬熱其表有餘邪邪盡汗止不止者小柴胡湯加廣皮嘔加半夏虛加人參斟酌治之不可用耆朮之屬如脈靜身涼數日後反盜汗宜用畧補虛實之分在有熱無熱也下後邪去嘔止今反復嘔者胃虛也少進粥飲調之

如人方食肉而病停積在胃用承氣連下惟下流旁  
臭水其病不退必加人參一味卽數十日停積頓行  
也應下失下真氣微虛及投承氣下咽少頓額上汗  
出髮根搔癢手足厥冷甚則戰慄心煩坐臥不安如  
狂之狀此中氣已虧不勝藥力名曰藥煩凡遇此證  
藥中多加生薑均二三次服以防嘔吐之患

病有勞復食復自復勞者補之養之食者輕則損穀  
重則下奪自復者前用何藥依前增減自愈

感冒兼疫先治感冒後治疫瘧疫相兼治疫而瘧自  
已

瘟疫九傳

但表不裏

疫之傳有九然亦不出表裏之間而已但表而不裏者其證頭疼身痛發熱而復凜凜內無胸滿等證穀食如常此邪傳外由肌表而出或斑消或汗解爲順輕劑可愈有汗出不徹而熱不退者宜白虎湯或斑出不透而熱不退者宜舉斑湯有斑汗並行而並不透者合用前湯

但裏不表

但裏不表者惟胸膈痞悶欲吐不吐吐而不快宜瓜

蒂散若邪傳裏之中下者心腹脹滿不吐不嘔或燥結便閉或熱結旁流或協熱下利或大腸膠閉並宜承氣輩有裏而再發或至於三皆依前法

表而再表

表而再表者所發未盡膜原尙有隱伏之邪故三四日後依前發熱脈洪而數及其解也斑者仍斑汗者仍汗而愈至於三表者亦稀有也

表裏分傳

表裏分傳始則邪氣伏於膜原尙在半表半裏二證俱現必先通其裏令裏邪去自能達表或斑或汗隨

其性而升泄之也病退而熱未除者膜原尙有未盡之邪也宜三消飲調之若分傳至再至三未之頻見照前同治

再表再裏

有再表再裏或再表裏分傳者醫家不解反責病人不善調養以致反覆病家不解每咎醫師疎於救治彼此歸怨胥失之矣不知病勢之當然其氣性如此先表後裏

先表而後裏者始則但有表證而無裏證宜達原飲有經證者當依三陽加法繼而脈大且數自汗而渴



邪離膜原未能出表宜白虎湯辛涼解散邪從汗解  
脈靜身涼而愈二三日後或四五日後依然發熱宜  
達原飲至後反加胸滿腹脹不思穀食煩渴等證加  
大黃微利之

先裏後表

先裏後表者始則發熱漸加裏證下之便愈後復發  
熱反加頭疼身重脈浮者宜白虎湯服之不得汗者  
津液枯竭也加人參覆杯卽解若大汗大下後表裏  
之證悉去繼而一身盡痛身如被杖脈沉細者此汗  
出太過陽氣不周骨寒而痛非表證也此不必治二

三日內陽回自愈

表證偏勝

表證偏勝者膜原伏邪發時傳表之邪多傳裏之邪少何以知之表證多而裏證少當治其表裏證兼之

裏證偏勝

若裏證多而表證少但治其裏表證自愈

邪之傷人也始而傷氣既而傷血傷肉傷筋以至傷骨有行邪有伏邪故治法有難有易取效有遲有速如行邪者卽正傷寒也始自太陽或傳陽明或傳少陽病勢雖重一汗可解若歸胃府一下而愈如瘟疫

之邪先伏後行伏於膜原如鳥棲巢如獸藏穴營衛所不關藥石所難及至其發也邪毒漸張內侵於府外淫於經營衛受傷諸證漸顯然後得而治之方其侵淫之際邪毒尚在膜原此時但可疏利使伏邪易出邪毒既離膜原乃觀其變或出表或入裏然後可導邪而出邪盡方愈初發之時毒邪漸張莫之能禦不惟不能卽瘳而病證日惟加重病家見證反增卽欲更醫醫家不解亦自驚詫竟不知先時感受邪盛則病重邪微則病輕也人云瘟疫莫治頭勞怯莫治尾所以疫邪方張之際勢不可遏但使邪毒速離膜

原便是治法也全在後段工夫識得表裏虛實詳夫  
緩急輕重投劑不致差謬如是可萬全即使感受  
之最重者按法治之必無隕命之理若夫久病枯極  
酒色耗竭者耄之年皆是天真幾絕又加疫證自難  
支矣

龐安常又有玃  
瑁瘡之名而與  
治法其症發熱  
善與雀斑相似  
惟唇口鼻上或  
額頰日肥兩耳  
手背足脛起黑  
色或中无亮如玃  
与玃瑁要異甚  
別胸腹俱黑但  
額上肩背陽位  
則與大玃其黑

### 大頭瘡

大頭瘡者此天行之厲氣也其濕熱傷高巔之上必  
多汗氣蒸初增寒壯熱體重頭面腫甚目不能開上  
喘咽喉不利舌乾口燥不速治十死八九宜普濟消  
毒散如大便秘加酒蒸大黃一二錢緩緩服作丸噲  
化尤妙若額上面部焮赤面腫脈數者屬陽明本方  
加石膏內實加大黃若發於耳之上下前後并額角  
傍紅腫者此少陽也本方加柴胡枯樓根便實亦加  
大黃若發於頭腦項下并耳後赤腫者此太陽也荆  
防敗毒散去人參加芩蓮甚者砭鍼刺之

色四圍要有鮮澤

紅暈若痘瘡之

根脚緊附他處

肉色不壞者可

治如黑色四圍

紅暈而灰白色

黯及枯焦不澤

者皆不治張石

頑治洪德數女

用葛根黃芩黃

連湯加犀角連

翹荆防藜荆人

中黃餅其取藥

普濟消毒散

黃連

黃芩

酒炒

人參

黑參

甘草

生

桔梗

連翹

牛蒡子

炒研

升麻

白芷

馬勃

各一錢

僵蠶

炒七分

藍根

如無以青黛代之

柴胡

各二錢

右爲末半用水煎去滓食後徐服半用蜜丸噙化就臥以令藥性上行也

節菴於普濟消毒散中去人參升麻白芷黑參馬勃僵蠶藍根加川芎羌活防風荆芥射干薑汁竹

邪候其黑色腫

透乃以涼晒散

加人中黃氣刺

犀角微下二次又

与犀角地黃湯

加人中黃之類頭

理半月而安

紫刺改苦平熱

毒活血行氣消腫

解毒并治喉痺

入手足厥陰血分

瀝名苓連消毒飲

捻頸癰

捻頸癰者喉痺失音頸大腹脹如蝦蟇者是也宜荆

防敗毒散

荆防敗毒散

羌活

獨活

前胡

柴胡

人參

甘草人中黃更妙

枳殼

桔梗

茯苓

川芎

牛蒡子炒研

薄荷

荆芥

防風

右諸藥各一錢惟防風加五分水煎緩服加金汁  
一盃尤効

### 瓜瓢瘰

瓜瓢瘰者胸高脇起嘔血如汁者是也宜生犀飲

### 生犀飲

犀角

二錢  
鎊

蒼朮

泔水浸麻  
油炒一錢

川黃連

一錢

黃土

五錢

芥茶葉

一大撮

金汁

半盞

右五味水煎去滓入金汁攪和日三夜二服 如

大便結加大黃湯加桔樓根虛加人參鹽水炒表

熱去蒼朮黃土加桂枝黃連便膿血去蒼朮泔黃



土加黃藥便滑以人中黃代金汁

### 楊梅瘰

楊梅瘰者遍身紫塊忽然發出微瘡者是也清熱解

毒湯下人中黃丸并刺塊出血

人中黃丸

大黃

三兩  
湯浸

人中黃

如無坑  
垢代之

蒼朮

去皮麻  
油炒

桔梗

滑石

各二兩

人參

黃連

酒洗

防風

各五錢

香附

薑汁拌勿炒  
一兩五錢

右神麴爲丸氣虛四君子湯送血虛四物湯送痰

甚二陳湯送熱甚童便送通用清熱解毒湯送二

三服

清熱解毒湯

黃連 酒洗

黃芩 酒洗

白芍藥 酒洗

生地

人參 各三錢

石膏 鷄子大碎

羌活

知母 各二錢

甘草 生一錢五分

升麻

葛根 各一錢

生薑 二錢切

右以水一斗煮取五升每服一升日三夜二服

疙瘩瘰

疙瘩瘰者發塊如瘤徧身流走日發夕死者是也三稜鍼刺入委中三分出血及服人中黃散

人中黃散

辰砂

雄黃 各一錢五分

人中黃 一兩

右爲末薄荷桔梗湯下二錢日三夜二服

絞腸瘟

絞腸瘟者腸鳴乾嘔水洩不通者是也探吐之宜雙解散

軟脚瘟

軟脚瘟者便清泄白足腫難移者是也卽濕溫宜蒼朮白虎湯不可輕下

小兒亦易傳染人見驚搐發瘧誤作驚治與大人多

彷彿也故凡盛夏濕溫之證卽藏疫癘在內一人受之則爲濕溫一方傳徧卽爲疫癘所以疫癘之發每每盛於春夏者以其濕熱暑三氣交蒸故也蓋春主厥陰肝木秋主陽明燥金冬主太陽寒水各行其政惟春分以後至秋分以前少陽相火少陰君火太陰濕土三氣合行其事天本熱也益以日之暑日本烈也益以地之濕三氣交動時分時合其分也風動於中勝濕解蒸不覺其苦其合也天之熱氣下地之濕氣上人在氣交之中無隙可避故病之繁且苛者莫如夏月爲最以無形之熱蒸動有形之濕卽無病之

人感之未免爲患况素有濕熱或下元虛人安得不  
患濕熱之證乎是以濕熱之證最忌發汗發汗則濕  
熱混而爲一中氣盡傷多成死證惟宜分解先扶中  
氣使中氣徐領其表其裏上下分消故多愈也至若  
疫氣則邪正混合邪極勝正極衰轉眼立斃苦寒傷  
胃溫補助邪如人中黃之類方爲合法也夫傷寒之  
邪先行身之背次行身之前次行身之側由外廓而  
入瘟疫之邪則直行中道流布三焦上焦爲清陽故  
清邪從之上入下焦爲濁陰故濁邪從之下入中焦  
爲陰陽交界凡清濁之邪必從此區分甚者三焦相

混上行極而下行極而上傷寒邪中外廓一表即  
散疫邪行在中道表之不散傷寒邪入胃府則腹滿  
便鞭故可攻下疫邪布在中焦散之不收下之復合  
此與治傷寒表裏諸法有何涉哉

周禹載曰按吳又可皆論尋常所有疫癘喻嘉言止  
論天地不正之大疫各極快暢不可執一要知瘟疫  
有傷氣傷血傷胃之殊故見證不同治亦稍異若入  
藏者則必不知人而死矣大法以證爲則毋揣以脈  
爲據也

附醫案十則

成化二十一年新野疫癘大作死者無虛日隣人樊  
滋夫婦臥床數日矣余自學來聞其家人如殺羊  
聲急往視之見數人用綿被覆其婦床下置火一  
盆令出汗其婦面赤聲啞幾絕余叱曰急放手不  
然死矣衆猶不從乃強拽去被其婦躍起倚壁坐  
口不能言問曰飲凉水否頷之與水一盃一飲而  
盡始能言又索水仍與之飲畢汗出如洗明日愈  
或問其故曰彼發熱數日且不飲食腸中枯涸矣  
以火蒸之速死而已何得有汗今因其熱極投之  
以水所謂水火既濟也得無汗乎觀以火然枯鼎

雖赤而氣不升注之以水則氣自來矣遇此等證者不可不知

虞恒德治一婦年二十九三月間患瘧疫證病三日經水適來發熱愈甚至七八日病劇胸中氣築作痛莫能臥衆醫技窮入夜迎虞治病者以綿花袋盛託背而坐於牀冷婢摩胸不息六脈俱微數而無倫次又若蝦遊狀虞問曰恐下早成結胸耳主人曰未也虞曰三日而經水行致中氣虛與下同乃用黃龍湯四物湯小陷胸湯共爲一劑加蓮棗煎服主人曰此藥何名虞曰三合湯也一服諸證



悉減遂能臥再服熱退病安又因食粥太多復病  
熱作內傷治用補中益氣湯出入加減調理而愈  
汪石山治一人年弱冠房勞後忽酒酒惡寒自汗發  
熱頭背胃脘皆痛唇赤舌強嘔吐眼胞青色醫投  
補中益氣午後謔語惡熱小便長初日脈皆細弱  
而數次日脈則浮弦而數醫以手按臍下痛議欲  
下之汪曰此疫也疫兼兩感內傷重外感輕耳臍  
下痛者腎水虧也若用利藥是殺之耳古人云疫  
有補有降有殺茲宜合補降二法以治用清暑益  
氣湯除蒼朮澤瀉五味加生地黃芩石膏服十餘

貼而安

壺仙翁治文學張徵伯病風熱不解時痘疫大行他醫診其脈兩手俱伏曰此陽證見陰不治欲用陽毒升麻湯升提之翁曰此風熱之極火盛則伏非陰脈也升之則死矣卒用連翹涼膈之劑一服而解

泰和二年四月民多疫癘初覺憎寒壯熱體重次傳頭面腫盛目不能開上喘咽喉不利舌乾口燥俗云大頭傷寒諸藥難治莫能愈漸至危篤東垣曰身半以上天之氣也邪熱客於心肺之間上攻頭

面而爲腫耳用普濟消毒散如法服之活者甚衆  
時人皆曰天方

羅謙甫治中書右丞姚公茂六旬有七宿有時毒至  
元戊辰春因酒再發頭面腫疼耳前後腫尤甚胸  
中煩悶咽嗑不利身半以下皆寒足脛尤甚由是  
以牀相接作坑身半以上臥於牀身半以下臥於  
坑飲食減少精神困倦而體弱命羅治之診得脈  
浮數按之弦細上熱下寒明矣內經云熱勝則腫  
又曰春氣者病在頭難經云蓄則腫熱砭射之也  
蓋取其易散故也遂於腫上約五十餘刺其血紫

黑如露珠之狀頃時腫痛消散又於氣海中大艾  
炷灸百壯乃助下焦陽虛退其陰寒次於三里二  
穴各灸三七壯治足脰冷亦引導熱氣下行故也  
遂處一方名既濟解毒湯論曰熱者寒之然病有  
高下治有遠近無越其制度以黃芩黃連苦寒酒  
炒瀉其上熱以爲君桔梗甘草辛甘溫上升佐諸  
苦藥以治其熱柴胡升麻苦平味之薄者陰中之  
陽發散上熱以爲臣連翹苦辛平以散結消腫當  
歸辛溫和血止痛酒煨大黃苦寒引其上行至巔  
驅熱而下以爲使投劑之後腫消痛減大便利再

服減大黃慎言語節飲食不旬日良愈

秋官陳同野元氣素弱脈細微而伏用參朮芎歸陳皮柴胡升麻炙甘草以升舉陽氣用牛蒡玄參連翹桔梗以解熱毒二劑腫頭消而脈亦復矣設以脈微細爲純陰以腫爲純陽藥之鮮有不誤者

江篁南治給事中游讓溪嘉靖壬子正月忽感大頭風證始自頸腫時師以爲外感而誤表之繼以爲內傷而誤補之面發赤三陽俱腫頭頂如裂身多汗寐則譫語縣延三日喘咳勢急其親汪子際以竹茹橘皮湯繼以川芎茶調散合白虎湯去人參

服一劑而減次日用前方去寒峻藥至晚漸定耳  
輪發水泡數箇餘腫漸消獨耳後及左頰久不散  
又次日以當歸六黃湯爲主加散毒之藥延及二  
旬頂巔有塊如鷄子大突起未平及面頰餘腫未  
消有時頭痛大便稀溏時二月中旬江至診得左  
脈浮小而駛右脈浮大近快有勃勃之勢江按脈  
證當從火治以生黃芪八分白朮薏苡各一錢半  
茯苓片芩各八分生甘草三分煎加童便服次日  
脈稍平然兩頰猶赤早間或覺頭痛蓋餘火未全  
殺也黃芪加作一錢二分薏苡加作二錢頂塊漸

消以後加生芪二錢更飲菘菹湯童叟五劑而愈  
靖康二年春京師大疫有異人書一方凡因疫發腫  
者服之無不效方用黑豆二合炒令香熟甘草二  
寸炙黃水二盞煎半時時呷之

崇禎壬午癸未時疫盛行道殣相籍發汗和中藥內  
惟用人參者多以活人

疫病論

周禹載曰疫之行於天地間久矣而人之治之者未之知也治之而適奏其效者亦未知之也觀周禮方相氏所掌儻以逐疫則疫者氣爲之也惟氣故爲害從口鼻入雖然六淫之氣皆氣也而風寒暑濕燥火之病不聞有沿門闔境相染觸發者何也六淫之氣日留於天地之間偏勝則病且人之病之者每因於己之所不勝以淫於所勝而不獨天地之氣足以害之也若疫則古今來雖有是證而天地間實無是氣或因天之風雨不時地之濕濁蒸動又因胥貉掩埋



不厚遂使大陵積尸之氣隨天地之升降者飄泊遠  
近人在氣交中無可逃避感之而病而死於是更增  
一種病氣尸氣流行其間復相漸染至久彌甚矣故  
從來疫癘行於兵荒之後居多不但人之中氣先弱  
也良由所積之穢氣特甚耳乃數千年來說鬼說夢  
賴嘉言先生援經據古特標蘊義我北海林夫子引  
伸觸類指點治法豈非功在萬世者乎但嘉言自詡  
於平脈篇中已見一斑謂清邪中於上焦濁邪中於  
下焦云云以爲此卽是仲景論疫予未之信也天下  
穢惡之氣至疫則爲毒極矣人犯之者三焦混淆內

外無間不分表裏直行中道然究竟古今恒變未有定情而中上中下之說仲景實論濕氣之脈如是而後入腑入臟游行經絡便有種種危證祇因三焦相混內外不通等語有似乎疫而實無涉也此嘉言善讀書處能開發人之聰明譬之茫無畔岸借爲指南則可謂竟爲疫之脈證則甚謬矣然則如世俗所稱大頭瘟者下非不病也特甚於上耳所稱疔瘡瘟者內非不病也特現於外耳所稱蝦蟇瘟者腹非不病也特痺於喉耳其他證顯多端要以寒涼解毒則一施治之法先上先下從內從外可以因證起悟予惟

奉吳又可先生書爲主治餘採集諸方以相裨佐俾  
後之學者豁然心目云

附北海林先生題喻嘉言疫論序

張鳳達之著傷暑全書也翻古人之成案妙生心之  
化裁可謂善於立言者矣第疫證引說不明關係醫  
學非小雖以東垣之淵通丹溪之博洽亦隨俗相沿  
未有確解近喻嘉言先生以通今博古之才著開天  
闢地之論埽叔和之穢闢仲景之奧不剿陳言獨標  
新義從來迷謬渙然冰釋至於治法高出千古直發  
前人所未發誰謂今人不及古人之精乎故附刊之

用告業醫之士焉蓋天地以生物爲心寒熱溫涼四氣遞運萬古不易人生其間感觸寒暑而病者皆其起居無時飲食不節氣虛體弱自行犯之非寒暑之過也然亦不過千百中之一二耳若以寒暑爲殺厲之氣觸之卽病則人無噍類久矣豈天地生人自然之道哉至非其時而有其氣謂之不正之氣則可謂之疫氣則非也何也不正之氣人感之者有病有病未可一槩論也若夫疫氣則不論富貴貧賤老幼男女強弱虛實沿門闔境傳染相同人無得免者此唯大兵大荒之後有之而饑饉之年尤甚流離滿野

道殣相望或趨鄉鎮或集郡邑或聚都城安置失所  
賑濟寡術九重萬里呼籲無門三五爲群死無虛日  
千百一塚埋藏不深掩蓋不厚時至春和地氣轉動  
浮土塌陷白骨暴露血水汪洋死氣尸氣濁氣穢氣  
隨地氣上升混入蒼天清淨之氣而天地生物之氣  
變爲殺厲之氣無形無影無聲無臭從口從鼻而入  
直犯臟腑正氣閉塞邪氣充斥頃刻云亡莫可救藥  
說文云疫者民皆病也厲鬼爲災斯名疫耳禮記月  
令云孟春之月先王掩骼埋胔正以是月天氣下降  
地氣上升誠恐胔骼穢惡之氣隨天地之氣升降混

合爲一有害人物故掩埋之此預補造化天無功也  
蓋以人在氣交之中如魚在水一毫渣滓混雜不得  
設川澤潑灰池塘入油魚鮮有得生者人受疫氣何  
以異此是以自古聖君賢相參贊化育變理陰陽消  
弭疫端於平日捍患禦災煮粥施藥救濟疫害於臨  
時人無橫夭世躋雍熙文人解爲澤及枯骨失其旨  
矣詎春月當澤及枯骨而夏秋冬之枯骨遂不當澤  
及哉近有好事之輩設立壇廠每於小兒出痘之年  
購求天亡屍骸雖經埋瘞亦必刨出堆集如山架火  
燒焚烈焰張熾腥聞於天神人掩鼻毒氣薰蒸惡味

氤氲流行傳染以致嬰孩生出一等怪證似痘非痘似疹非疹似斑非斑一二日間卽涉危篤雖有良醫莫敢措手其相詫謬咸謂天生異災不知致此之由頻年以來冤枉赤子何啻數萬離城二三十里卽無此證豈非明驗與嗟嗟異端妖術惑世誣民昧者反以爲善聚衆譁之斂財助之此倡彼和奔走若狂接之先王掩骼埋胔之義不大相乖舛耶因序疫證而並及之以望世之學醫者加之意焉漁陽林起龍北海識於補拙齋

附喻嘉言瘟疫論

喻昌曰聖王御世春無愆陽夏無伏陰秋無淒風冬無苦雨乃至民無天札物無疵癘太和之氣彌滿乾坤安有所謂瘟疫哉然而周禮雝以逐疫方相氏掌之則瘟疫之由來古有之矣鄉人雝孔子朝服而致其誠敬蓋以裝演巨像爲雝神不過彷彿其形聖人以正氣充塞其間俾疫氣潛消乃位育之實功耳古人元旦汲清泉以飲芳香之藥上巳採蘭草以襲芳香之氣重滌穢也後漢張仲景著傷寒論欲明冬寒春溫夏秋暑熱之正自不能併入疫病以混常法然至理已畢具於脈法中叔和不爲細釋乃謂重感於



寒變爲瘟疫又謂春時應暖而復大寒夏時應大熱而反大涼秋時應涼而反大熱冬時應寒而反大溫此非其時而有其氣是以一歲之中長幼之病多相似者此則時行之氣也又謂冬溫之毒與傷寒大異冬溫復有先後更相重沓亦有輕重爲治不同又謂從春分節後至秋分節前天有暴寒者皆爲時行寒疫也蓋以春夏秋爲寒疫冬月爲瘟疫所以又云三月四月或有暴寒其時陽氣尙弱爲寒所折病熱猶輕五月六月陽氣已盛爲寒所折病熱則重七月八月陽氣已衰爲寒所折病熱亦微後人奉此而廣其

義謂春感清邪在肝夏感寒邪在心秋感熱邪在肺  
冬感溫邪在腎損筦遞奏舉世若狂矣嗟嗟疫邪之  
來果寒折陽氣乘其所勝而直入精神魂魄之藏人  
無噍類久矣更有謂疫邪無形象聲臭定時定方可  
言是以一歲之中長幼莫不病此至病傷寒者百無  
一二治法非疎裏則表不透非戰汗則病不解愈募  
愈遠究竟所指之疫仍爲傷寒傷溫傷暑熱之正病  
疎裏則下早可知戰汗則失表可知祇足自呈敗闕  
耳夫四時不正之氣感之者因而致病初不名疫也  
因病致死病氣尸氣混合不正之氣斯爲疫矣以故

雞瘟死雞猪瘟死猪牛馬瘟死牛馬推之於人何獨不然所以饑饉兵凶之際疫病盛行大率春夏之交爲甚蓋溫暑熱濕之氣交結互蒸人在其中無隙可避病者當之魄汗淋漓一人病氣足充一室况於連牀並榻沿門闔境共釀之氣益以出戶戶虫載道腐瑾燔柴掩席委壑投崖種種惡穢上混蒼天清淨之氣下敗水土物產之氣人受之者親上親下病從其類有必然之勢如世俗所稱大頭瘟者頭面腮頤腫如瓜瓠者是也所稱蝦蟆瘟者喉痺失音頸筋脹大者是也所稱瓜瓢瘟者胸高脇起嘔汗如血者是也

所稱疔瘡癰者遍身紅腫發塊如瘤者是也所稱絞腸瘰者腹鳴乾嘔水瀉不通者是也所稱軟脚瘰者便清泄白足重難移者是也小兒痘瘡尤多以上疫證不明治法咸委劫運良可傷悼大率瘰疫痘疹古昔無傳不得聖言折衷是以墮落叔和坑塹曾不若俗見摸索病狀反可顧名思義也昌幸微窺仲景一班其平脈篇中云寸口脈陰陽俱緊者法當清邪中於上焦濁邪中於下焦清邪中上名曰潔也濁邪中下名曰渾也陰中於邪必內慄也表氣虛微裡氣不守故使邪中於陰也陽中於邪必發熱頭痛項強頸

攣腰痛脛股所謂陽中霧露之氣故曰清邪中上濁  
邪中下陰氣爲慄足膝逆冷便溺妄出表氣微虛裡  
氣微急二焦相溷內外不通上焦怫鬱藏氣相薰口  
爛蝕斷也中焦不治胃氣上衝脾氣不轉胃中爲濁  
營衛不通血凝不流若胃氣前通者小便赤黃與熱  
相搏因熱作使遊於經絡出入藏府熱氣所過則爲  
癰膿若陰氣前通者陽氣微厥陰無所使客氣內入  
噫而出之聲噎咽塞寒厥相逐爲熱所擁血凝自下  
狀如豚肝陰陽俱厥脾氣孤弱五液注下下焦不閤  
清便下重令便數難臍築漉痛命將難全凡二百六

十九字闡發奧理全非傷寒所有事乃論疫邪從入之門變病之總所謂赤文綠字開天闢地之寶符人自不識耳篇中大意謂人之鼻氣通於天故陽中霧露之邪者爲清邪從鼻息而上入於陽入則發熱頭痛項強頸攣正與俗稱大頭瘟蝦蟆瘟之說符也人之口氣通於地故陰中水土之邪者爲飲食濁味從口舌而下入於陰入則其人必先內慄足膝逆冷便溺妄出清便下重臍築瀦痛正與俗稱絞腸瘟軟腳瘟之說符也然從鼻從口所入之邪必先注中焦以次分佈上下故中焦受邪因而不治中焦不治則胃

中爲濁營衛不通血凝不流其釀變卽見中焦俗稱  
瓜瓠瘰疔瘰癧等證則又陽毒癰膿陰毒遍身青紫  
之類也此三焦定位之邪也若三焦邪混爲一內外  
不通藏氣熏蒸上焦怫鬱則口爛蝕齶衛氣前通者  
因熱作使遊行經絡藏府則爲癰膿營氣前通者因  
名客邪噫出聲噎咽塞熱擁不行則下血如豚肝然  
以營衛漸通故非危候若上焦之陽下焦之陰兩不  
相接則脾氣於中難以獨運斯五液注下下焦不闔  
而命難全矣傷寒之邪先行身之背次行身之前次  
行身之側由外廓而入瘰疫之邪則直行中道流布

三焦上焦爲清陽故清邪從之上入下焦爲濁陰故濁邪從之下入中焦爲陰陽交界凡清濁之邪必從此區分甚者三焦相溷上行極而下行極而上故聲嗝咽塞口爛蝕斷者亦復下血如脈肝非定中上不及下中下不及上也傷寒邪在外廓故一表卽散疫邪行在中道故表之不散傷寒邪入胃府則腹滿便堅故可攻下疫邪在三焦散漫不收下之復合此與治傷寒表裏諸法有何干涉奈何千年憤憤試折衷以聖言從前謬迷不渙然水釋哉治法未病前預飲芳香正氣藥則邪不能入此爲上也邪旣入則以



逐穢爲第一義上焦如霧升而逐之兼以解毒中焦如澀疏而逐之兼以解毒下焦如瀆決而逐之兼以解毒營衛旣通乘勢追拔勿使潛滋或問春夏秋蒸氣成疫豈冬溫獨非疫邪余曰冬月過溫腎氣不藏感而成病正與不藏精之春溫無異計此時有春無冬三氣卽得交蒸成疫然遇朔風驟發則蒸氣化爲烏有矣是以西北土高地燥卽春夏氣難上升何況冬月之凝沍東南土地甲濕爲霧露之區蛇龍之窟其溫熱之氣得風以播之尙有可耐設旦暮無風水中之魚衣中之蟲且爲飛揚况於人乎蒸氣中原雜

諸穢益以病氣死氣無分老少觸之卽同一病狀矣  
此時朔風了不可得故其氣轉積轉暴雖有薰風但  
能送熱不能解涼盛世所謂解慍阜財者在兵荒反  
有注邪佈穢之事矣叔和以夏應大熱而反大寒爲  
疫詎知大寒正疫氣消弭之候乎故疫邪熾甚惟有  
北方始能消受詩惡譖人思欲投畀有北以熄其燄  
析義精矣

疫癘方一十六道

達原飲

柴胡清燥湯

茵陳蒿湯

瓜蒂散

舉斑湯

桃仁承氣湯

犀角地黄湯

清燥養營湯

括貝養營湯

檳榔順氣湯

普濟消毒散

荆防敗毒散

生犀飲

人中黃丸

清熱解毒湯

人中黃散

方俱見前

附集方一十六道

既濟解毒湯

黃芩

一錢酒炒

黃連

一錢酒炒

桔梗

一錢

甘草

五分生

柴胡

五分

升麻

七分

連翹

一錢

當歸

一錢酒洗

大黃

一錢酒煨

右以水二盞煎一盞徐徐溫服

黃連解毒湯

黃連阿膠湯

二方俱見前

黃連瀉心湯

黃連

生地黃

知母

各一錢五分

甘草

五分生

右以水一盞半煎八分溫服

黃連龍骨湯

治腹痛咽痛體熱煩苦

黃連

黃芩

芍藥

各八分

龍骨

五分  
爲末

右以水一盞半煎入分溫服

黃連犀角湯

治狐惑

犀角

三錢  
磨汁

黃連 二錢

烏梅 四箇

木香

三錢  
磨汁

右以水一盞半入黃連烏梅煎八分入犀角汁木

香汁和勻服

黑膏

治疫毒發斑嘔逆

生地黃

二兩  
六錢

淡豆豉

二兩  
六錢

右二味以猪膏六兩合煎令三分減一絞去滓取

濃汁如膏入明雄黃豆大麝香少許和勻分三服  
犀角消毒湯

牛蒡子

炒

防風 各二錢

荆芥 一錢

甘草 八分

犀角 磨汁

右吹咀每服三錢水煎入犀角汁服

漏蘆湯 治藏府積熱發爲腫毒時疫疔瘡頭面洪

腫咽嗑堵塞水藥不下一切危惡疫厲

漏蘆

升麻

大黃

黃芩 各一兩

藍葉

黑參 各二兩

右六味爲粗末每服二錢水一盞半煎至六分去

滓溫服 腫熱甚加芒硝二錢半及生甘草牛蒡  
子連翹更神

消毒丸

大黃

牡蠣 燒

蠶蠶 各一兩  
炒

右爲末蜜丸彈子大新汲水化下一丸無時

雄黃丸

雄黃

一兩  
研

赤小豆

炒熟

丹參

鬼箭羽

各二兩

右爲細末煉蜜丸如梧子大每日空心以溫水下  
五丸雖同床共屋亦不相染

運氣五瘟丹

黃芩

黃柏

黃連

山梔子

香附

紫蘇

甘草稍

大黃

右七味生用於冬至日爲末將大黃三倍煎湯去滓搗藥丸如雞子大硃砂雄黃爲衣再貼金箔一丸取泉水七碗浸化可服七人 此藥乙庚年黃芩爲君丁壬年山梔子爲君丙辛年黃柏爲君戊癸年黃連爲君甲巳年甘草稍爲君爲君者多倍也餘四味與香附紫蘇爲臣者減半 每年熱



病改爲小丸救人甚妙

大青丸

薄荷

山梔子

黃芩

黃連

各三錢

連翹六錢

甘草三錢

大黃

白龍骨粉各八分

右爲末用青蒿自然汁爲丸棗豆大雄黃爲衣每服十丸白湯送下

二黃丸

治大頭時疫

黃連

酒炒

黃芩

酒炒

生甘草

各等分

右咬咀每服五錢水一盞半煎八分稍溫徐徐呷

之

救急解毒丸

甘草

桔梗 各二兩

荆芥

防風

連翹

酒黃芩

酒大黃

薄荷

酒黃連

升麻 各一兩

殭蠶

蒲黃

青黛

盆消

射干 各五錢

右十五味共爲極細末羅淨以烏梅湯調柿霜和丸如圓服大噲化煎湯亦可

神授香蘇散

治瘟疫昔有城中大疫一白髮老人

教富人合此藥施病者皆愈疫鬼相顧曰此老  
教三人矣遂遁

紫蘇

香附各二兩  
醋製

陳皮一兩  
去白

甘草五錢

右為細末每服三錢水一盞半煎七分溫服

凡遇天行時氣恐其傳染湏遲出早入腹中常飽身  
佩靈符時焚柵蘭芷木清烈之香鼻孔塗雄黃最良  
老君神明散東坡聖散子等方皆一派辛熱燥烈有  
毒之藥全無扶正驅邪逐穢解毒之品不知醫書何  
以列之疫條必係後人偽託學者慎勿徇名矣

人非淺虞天民辨之最詳不可不攷

溫熱暑疫全書卷四終